

Dominium quoddam habetur satis amplum, *Vrſi mons* vocabulo.

Fuerunt autores qui voluerunt *Vrſi* montem nunquam Comitatus titulo fuiſſe inſignitum, ſed tantummodo nudum Dominium, *Chinenſi* Comiti feudale: ideo fortassis, quod quamvis ejus diſtrictus ſit ſatis amplus, redditus tamen eo ſpectantes ſatis exigui ſint. Falluntur tamen hi opinione ſua, quod probatur ex eo, quod ipſi Comites *Luxemburgenſes* *Vrſi montis* Dominos Comitum titulo compellent.

Comitatus
Manderscheid.

Manderscheidt inſigne & munitiſſimum caſtrum in *Eyſſiæ* partibus conſtitutum, & Comitatus honore ſublimatum, domus eſt unde Comites eam denominationem ſortiti originem ducunt, nobilitate generis & opum affluentia plurimum præſtantes.

Comitatus
Virnenbourg.

In confiniis territorii *Trevirenſis* caſtrum viſitur antiquiſſimum, & nobiliſſimum ad Comitum de *Manderscheidt* poſſeſſionem ſpectans, *Virnenbourg* nomine, Comitatus titulo inſigne, quod quidem prius ſui juris erat, nulli majori ſubditum poteſtati, & anno *Dominicæ* Incarnationis 1270 Comitibus *Luxemburgenſibus* pro ſumma ducentorum librarum denariorum mutuo data feudale effectum.

Cur porro nomine *Virnenbourg* hic designetur Comitatus, id ideo accidiffe fertur, quod cum multiplicata eſſent Comitis proles, adeo ut earum quaternis hic Comitatus pro parte legitima ſufficere deberet, ab eis ob hoc vocabulum ſortitus ſit, & vernaculo idiomate *Virnenborgh*, quaſi *vier herren-burg*, id eſt, quatuor ſcilicet *Dominorum* caſtrum dictum, quæ ratio à proprio loci Domino allata, mihi equidem ſatis videtur probabilis.

Comitatus
Viennensis.

Quando *Viennensis* Comitatus initium ſumpſerit, quiſve ejus fuerit primus Comes, non conſtat, eſſe tamen valde antiquum vel ex eo liquet argumento; quendam monachum *Rancherum* nomine Comitis *Viennensis* filium anno Domini 928, in monaſterio *Lobienſi* profeſſum vixiſſe. Vt tamen nonnihil de hujus origine Comitatus à vero minime abhorrens proferam, ſciendum, quod cum anno Domini 883, *Ludovicum* ſecundum *Romanorum Imperatorem* in fata conceſſiſſe percepiſſent Imperii hoſtes, qui vivum valde expaverant, *Northmanni* ſcilicet & *Wandali*, hos eoſdem coactis maximis armatorum copiis expeditionem verſus *Rheni* partes ſuſcepſiſſe, quo tranſmiſſo, ſtatim *Tungros*, *Trajectum*, *Iuliacum*, *Aquiſgranum*, *Novesium*, *Coloniæ* *Agrippinam*, *Bonnæ*, *Tolbiacum*, aliaque ejus tractus oppida & loca munitiora ferociter invaſerunt, necnon ſimul monaſteria quævis obvia, itemque eccleſias, & alia ſacra loca ferro, flammis, direptionibus, & prædationibus impetierunt, atque iſtis in extremum pene exitium redactis, oras *Mosellæ* fluvii proſequentes ad urbem *Trevirenſem* caſtra metati ſunt, eamque poſt dierum aliquot circulum vi capientes, immani

Belgica.

clade affecerunt, eccleſias, & alia loca igne injecto diruentes, necnon perſonas quaſvis ſævitia incredibili perimentes, prædas agentes, & ea denique perpetrantes, quæ à truculentis ſolent fieri tyrannis. *Bertulphus* *Trevirorum* tum Archipræſul malum hoc declinare præveniens cum aliis plurimis ad *Metenſem* civitatem confugit, ubi à loci Epifcopo *Walone* honorificentiffime exceptus, & habitus permanſit, donec *Northmannos*, vaſtatis quæ obviam fiebant omnibus, ad *Metenſes* itidem expugnandos, & ſimili clade afficiendos advenire intelligerent. Tum enim, conſilio de reſiſtentia mature facienda inito, conſuſum eſt, ut Duce *Metenſi*, Comite *Adelhardo*, adjunctis duobus Epifcopis, aliis Principibus viris, & armatorum exercitu prævalido in occurſum iretur adverſariis *Chriſtiani* nominis. Dum igitur ad campum *Remich* oppido vicinum pertigiſſent, ecce hoſtes ex adverſo venientes *Catholicis* facti conſpicui ad certamen cum eis incundum ſeſe obrulerunt. Vnde ſtatim noſtri genibus flexis auxilio Dei devote implorato, cum hoſte fortiter congreſſi conſtanti animo inſimul ad duodecim horarum ſpatium depugnant. Tandem cum multi utrimque ea in ſtrage mortui cecidiſſent, inque iis à *Catholicorum* parte *Walo* Epifcopus, & Comes *Adelhardus*, ceſſit victoria à parte *Northmannorum*, qui iter inceptum proſequentes *Metenſem* civitatem adeunt, eamque tanta crudelitate invadunt, ut in ſuam poteſtatem redactam igne, ferro, direptionibus totam depopularentur. Inde *Auſtraſii* Regnum, necnon *Mosellanicum* Ducatum peragrans, nulli loco, perſonæ, alterive rei pepercerunt, quin ei quantam poſſent inferrent moleſtiam. Porro ut nihil à tyrannide ſua intactum in iſtis partibus viderunt, in triumpho ſignum, caſtrum quoddam ad rupes vaſtas fortiſſimum extruxerunt, cui ipſi *Wandali* nomen *Vandalen* à ſua natione deductum indiderunt, atque ſic locus iſte, ſive caſtrum, initium, & vocabulum ea ratione accepit. Cum vero poſt plurimorum annorum ſeriem *Wandali* dictum caſtrum, una cum adjuncto territorio poſſedeſſent, vicini Principes, hos barbaros loca ejuſmodi occupare diutius non ferentes, collecto exercitu eos partim trucidarunt, partim fuga ſibi conſulere compulerunt. ex quo accidit, ut ex tunc in hæc uſque tempora ad *Chriſtianorum* jura caſtrum ipſum una cum ſuis appendicibus ſpectaverit, relicto tamen ei primo nomine à *Wandalis* impoſito, quod hodieque, quamvis nonnihil immutatum, perdurat, dicitur namque *Vienna*, aut *Vianden*, aut denique *Vienthal*, quæ omnia ex uno priore oriuntur vocabulo. Comes ejus legitimus eſt *impræſentiarum* *Frid. Henricus* *Araufionenſium* Princeps.

Rodemacria *Lutzenburgo* diſtat trium leucarum ſpatio, oppidulum lautum & arce conſpicuum. *Theonis-villa* denotat urbem *Deorum*,

P